

۱۹۲۶

ایکینچی جلد

تورکیات مجموعہ سی

استانبول دارالفنوننی تورکیات استیقوسی طرفندره نشر ایدیلیر

مدیر:

کومرسلی زاده محمد فؤاد

استانبول دارالفنونشده «تورک ادبیاتی تاریخی» مدرسسی



استانبول - دولت مطبعہ سی

۱۹۲۸

کورمه‌مشدر . مریدلره ساتیلان حاجی بکتاش تسلیم طاشی، ناحیه‌اهالیسنه بویوک استفاده تأمین ایتمز [۱] . زیر طاش «ارکوب» ده چیقار واوراده یاپیلیر (روایته کوره حاجی بکتاش بورایه کلدیکنده زهر ویرمشلر . برخریستیان قادینی کندیسنی یوغورتله تداوی ایتمش . اونک شرفنه ارکوبک طاشی داها مقبول اولمش) . تجربه‌لی ناحیه مدیرینک افاده‌سنه کوره حاجی بکتاش اهاالیسی چوق ذکی اولوب، مکتبده تحصیل کورمه‌مش اولمالرینه رغماً بویوک بر قسمی او قویوب یازمق بیلیمکده در [۲] . یالکز ایچکی، مع‌الاسف، چوچوقلر وقادینلر آراسنده ده توسع استعدادینی کوسته‌رییور .

حاجی بکتاش اهاالیسی بعض اقتصادی سییلردن طولانی بابالره وچلیلیک مؤسسسه‌سنه مغبر اولقله برابر، «ستیلر» ده داخل اولدینی حالده هبسی تکیه‌نک نفوذ معنویسی آلتنده درلره . اوقاف مدیریت عمومیه‌سیله معارف وکالتنک مشترکاً کونده‌ردیکی هیئت، تکیه‌ده چالیشمق ایچونز یزلیلردن تک بر عمله بولاماشدر . خلق آراسنده بوکونده شور وایت جاریدر : — قاج کره‌لر قازانک آلتنده کویپکلر وقوردلر یاورولادی . یننده بوتکیه آچیلدی . برسورو خرافه‌نک محرابی اولان سلام قیا [۳] اطرافنده کی دیواری ییقدیروب طاشلری مکتب انشا آتنده قوللانان ناحیه مدیرینک هرکس چاریلا جغه قائلدر . بوتون بونلره رغماً، اسکی باطل اعتقادنک صارصیلدیغنی کوسترن (ناصل ایمان ایده‌م، بو قویو ییقیلدی) کچی ائده‌لرده ایشیتدک .

درباره :

کینیش بر ساحه‌ده یوکسه‌لن چلیلیک دائره‌سنک سونوک و مقیمی بر منظره اراهه ایتمه‌سنه مقابل، درگاه، یشیلکلر ایچنده سیوریلن سلجوق بیجی اهرامی قبه‌لری ، مناره‌سی ، دا ئما جاغلا یوب آقان چشمه‌لر یله کویکه داها زیاده نشاط ویریور؛ و بر آخرت مؤسسسه‌سندن زیاده

[۱] حاجی بکتاشده آز چوق هرأوده بو طاشی یونمقله مشغول اولانلر واردر . برطوبال ذات یله تفنکچی اوسته‌سی صنعتکار اولارق طاشملردر . بیقرقر آل یله دوغ‌کده اولوب زحمتی و ناسکور برایشدر .

[۲] عاجل احتیاجه شمده‌لیک کفایت ایدن بکی مکتبی صالح نیازی بابا یاپدیرمشدر . الیوم آتقرده اوتلجلیک ایدن صالح نیازی بابا طیاره جمعیتنده بویوک معاونتده بولومشدر .

[۳] حاجی بکتاشده یرلری کوستریلن سلام قیا ، آرسلان قیا ، خور قیا ، فاطمه آنا ، بش طاشلر، آتی پیکار و سائره ایچون ولایتنامه و مناقبنامه‌لره باقکز .

برمالکانه‌ده ایتمش کچی برحس تلقین ایدیور . بواعتبارله اونک زراعت نمونه مکتبته تحویل ایدیلشی اصابت اولمشدر . تکیه قاپاندقدن صوکره، تعلیماتنامه موجبنجه، موجوز قاقمقامنک ریاستی آلتنده ، ژاندارمه قوماندانی ، معارف مأمور وکیلی ، محاسبه خصوصیه مدیری ، اوقاف مدیرندن مرکب اولارق تشکل ایدن تثیت هیئتک بر آیهیقین چالشدیغنی عرض ایدهجک اولورسهق، اهمیتی تظاهر ایدر . درکاه، حقیقتمده یالکیز برعبادتخانه اولمایوب عینی زمانده اقتصادی بر مؤسسهدر . مستقلاً درکاهه حاند اولوب باغلرده (دهده باغی ، خان باغی) ودرکاهده وچیتلکدرده تثیت اولونان حیوانات مقصداری ۱۰۵ ودرکاهک چیتلکدرنده (کوتوکه چیتلکی ، قایا چیتلکی، قیزیل اوز چیتلکی ، ایلجک چیتلکی) اورتاقچیلرله مشترک اولان اغنام و حیوانات عددی جمعاً ۵۲۷، درکاه چیتلکدرنده تثیت اولونان اراضی، ترلا ، باغ ، بغچه ، قواقلق ، چایر ، آغاجلق و قیراج اولمق اوزره ۴۴۸۷ دونمدر . درکاهه حاند عقارات دورتیوزدن زیاده دکان ، بخارله متحرک اون دکرمنی ، درت صو دکرمنندن عبارتدر . مبانی دن غیری باغ، بغچه، اراضی و املاک اوقاف طرفدن زراعت نمونه مکتبته ۱۲،۵۸۶ لیرا ۲۵ غروشه صایلمشدر؛ ویکی یاپیلان مسافر خانه‌ده ، مکتب اولمق شرطیله زراعته ترک ایدیلش ولایت بودجه سندن مکتبک ا کالنه اون بش بیک لیرا تخصیص وزراعت وکالتنکده معاوتی تأمین ایدیلشدر .

۹ تشرین ثانی ۳۴۱ تاریخ و ۱۷۶۴۶ نومرولو تعلیماتنامه موجبنجه آنقره اوقاف مدیریت عمومیه سنه ارسالی ایجاب ایدن خالی ، کلیم ، یصدیق دورتیوز آلتش بر پارچه اشیاء تثیت هیاتی طرفدن مهرلی اون درت دنک یاپیلارق آنقره اوقاف مدیریت عمومیه سنه تسلیم ایدیلشدر . تکیه لرده کی موزه لک اشیاء ایله علاقه دار اولان معارف وکالتی، خالی لردن موزه لک اولان لک اوقاف موزه سنه تسلیمنی طلب ، حاجی بکتاشده مختلف او طه لرده سند و قلم ایچنده بولونان کتابلری طویلاته رق آنقره کتبخانه عمومیه سنه نقل ایله فهرستلری ترتیب ایتدیرمش ، و دیگر موزه لک ۹۷۹ عدد اشیاء تاریخی قازان ایله برلکده آنقره یه نقل اولونورق موزه آنبارینه وضع ایدیلشدر . حاجی بکتاشده قالان حیوانات و سائر اشیاء تعلیماتنامه موجبنجه اوقاف طرفدن مزایده ایله صائلشدر . بکتاشیلغک حقیله آ کلاشیلماسی ایچون کتبخانه ایله سائر محرراتک و موزه ده کی اشیانک بر آن اول تدقیقی لازمدر . معارف وکالت جلیله سی هیچ شبهه سز بو وظیفه نی اهل ایتیمه جکدر . بز بوراده درکاه حقنده آنجاق بعض مشاهده لر مزی قید ایله اکتفا ایده جکز :

دیرکاهک هنوز اگال ایدیلک اوزره اولان محشم طیش قیوسندن کیریلنججه [۱] کنیش
 یر اولو کلیر . قیونک صولنه بتیشیک اولارق ذکری کچن ناتمام مسافر خانه بولونور .
 بومسافر خانه نیک یرنیده اسکیدن ۸-۱۰ اوطهلق مسافر خانه وارمش [۲]. اولونک صاغنی
 آت اوی و آخیرلر اشغال ایدر . آت اوندیه کیرلر تکیه نیک آتلیرنه وکلن مسافرلرک آتلیرنه
 یاقارلر . آت اوی، صوفه دن کچنجه آرضیالی کنیش براوطه ایله کیلار کی مشتملاتدن عبارتدر .
 مفروشیات و محتویاتی برسورو کلیم ، چیچیم ، یاصدیق ، مندر ، یورغان ، شیلته ، پوست ، کهنه
 دیوار ساعنی ، زنبیل ، قالبور ، برسورو صحن ، قاونوز ، چورباطاسی ، جزوه ، کوکوم ، لکن ،
 تپسی ، کفکیر ، تجره ، طاس ، کچه ، هاوان ، لکنجه ، قهوه دکرمی ، آل فظاری ،
 اکر ظاقلاری ، قوغه ، یایی آرابه ، قاغنی ، چیفت طاقی کی شیر تشکیل ایدر .
 آت اوینک اوکنده بول صولی بر چشمه واردر . حاجی بکتاشلیلر ، ایچمک ویقانتق
 ایچون ایلروده ذکر ایدیلجهک اولان «آرسلان چشمه» دن صو آلمی ترجیح ایدرلر .
 بو، صولرک آراسنده کی فرقدن زیاده ، صوککی چشمه نیک داها مبارک اولارق طانماسندن
 ایلری کلیور . بویوک اولودن حوضلی اولو تعمیر اولونان اورته اولویه کیرمک ایچون
 آلیق بر قیودن اکیلوب کچمک لازمدر . بر قاچ دفعه باشنی چاربان زراعت مدیری بو
 قیوی بوکستمشدر . اورته اولو، آرسلانلی چشمه ، ا کک اوی ، آس اوی ، جامع ،
 کیلار اوی ، میدان اوی ، مهمان اوی ایله احاطه اولونان مستطیل شکلنده بر ساحه
 عرض ایدر . اولرک اوکنده دیره کله استناد ایدن آچیق بر قوریدور ، اولونک قیویه یقین
 قسمنده بویوک بر حوض واردر . طولدجه آچیلوب باغچه یه بر اقلیر . جوضک اوزرنده
 غیرمیسول بر آل طیرفندن قیریلان بکتاشی تاجنک آلتنده یول آرقاداشم شرف الدین
 بکک قید ایتدیکی زرده کی کتابه یازیلیدر :

مائالده

س ۱۳۲۴ نه

س ۱۳۲۶ نه

بحر عمان ولایت حاجی بکتاش ولی
 خاتناه فیض باریدر همان جنت مشیل

[۱] معماری تکیه نیک ایچنده کی نقشبندی جامعنک امامیدر .

[۲] مسافر کلنجه آدامنه کوره معامله ایدیلر . کویلی دیشایدیه یاتار ، بویوک مسافرلر شیخ

اوطه سنده بوقایدیه باغچه ده کوشکه مسافر ایدیلر؛ اون اسکیدن صوکر مسافر آلازلر مش .

والی بیروت دولتلو خلیل پاشا کی
 پروزیرک همسر عصمتوری زهرا عدیل
 نازی خانم بو حوضی ابتدی انفا تکیه‌ده
 یابدی کویا جنت‌المآوده عین سلسنیل
 حاجی فیض‌الله بابا غیرت و همت ایله
 اولدی اجراده بو حوض صفا بختک دلیل (۰۰۴)
 ساقی کوثر شهید کر بلا عشقنه (۰۰۴)
 هریری اولسون الهی نائل اجر جزیل
 کلک رمزیدن کهر تاریخ جاریدر (۰۰۴)
 باب کوثر اولدی بو حوض دلاراده سیل

محمد امیر

آرسلانی چشمه :

اورته اولونک کیریلنجه صاغ کوشه‌سنده بکتاشیلرک زمزمی مقامنده اولان مشهور
 آرسلانی چشمه واردرکه بویوک حوضه منصب اولور. آرسلانی حوضده صو بر آرسلان
 هیکلنک آغزندن بوشا نیر. آرسلان مصرلی محبه لردن «قاراقاطمه» طرفندن کونده ریلش اولوب
 یوقاریسده شوکتابه یازیلیدر :

نوش ایدن بولور حیات جاودان
 چشمه حیوانکه دیرلر ایشته بو
 ایچ شهید کر بلانک عشقنه
 ویرصلا ت ایله سلام ایله وضو
 جوهری تاریخی سویله حلیمیا
 ارسلانک آغزندن آقدی بوزلی صو

صننه ۱۲۷۰

بویوک اولونک صاغنده دیواره اورولی اولارق بو چشمه‌نک اسکی کتابه‌سی، بولونور :

مالقوج بالی ابن علی حضرتلری
 غازی لر سرداری وارنلر سروری
 حاجی بکتاش ولینوک عشقنه
 ایلدی جاری بوغین کوثری
 تاریخی طقوز یوز آلمش ایکیده
 تشنه لکده اولدی ابدالان تیری

اصل بنانک اوزرنده دیوارده وستونک اوزرنده زیرده کی کتابہ لہر موجوددر :

- ۱ ایدوب تعمیرنی خیرات
بی دده اولوب دلشاد
سنه بیک ایکیوز اوتوز
سکرده ایله دی بنیاد
- ۲ اتدی تعمیرن ترآبی خانہ طاقن جدید
عون حق بیک ایکیوز سکسان ایکی تاریخ بدید
- ۳ سم الله الرحمن الرحیم بدالک
عمرهذه العمارة ملک المشایخ الابدالان

اُملک اُوی :

حوضلی آولونک صاغنده باشده اُملک اُوی ، فروندن غیری اوطه لری حاوی اولوب
صیرالایه جغمزاشیا بوراده کی حیات حقنده برنده فکر ویره بیلیر :
خالی ، یان خالیسی ، کلیم ، جیجم ، ۳۹ عدد پوست ، مشین صوفرا ، ۱۲ شمعدان ،
چای وقهوه طاقلری ، ۳ تبر ، ۲ نفیر ، ۵ کشکول ، ۱ ترمومتره ، ۳ آصا ساعت ، ۴
آت ساطیری ، ۳ بورغو ، ۲ دستره ، طونج هوان ، چوربا طاشی ، کوکوم ، لکن ، بر
سوروقاپ قاجاق ، ۱ صندوق دروننده کتب متنوعه ، بال بیجائی ، طلومبه ، توتون هوانی ،
۲ صاورومه ماکنهسی ، بولغور آل دکرمنی طاشی ، ۲ عدد آلتی کوزلی اون انباری ،
۲ کپک صندوقی ، ۲ خمورتکنهسی ، ایکی کوزلی بویوک انبار ، تخته کره وهت ۱۸ خمور
تختهسی ، ۲ تخته کورک ، ۲ طرز جدید آری قووانی ، ۴۰ عدد عادی بوش آری قووانی ،
مردیون ، الخ الخ .

آسه اُوی :

آش اویته کیرمزدن اول شو کتابه نظر دقتمزی جلب ایدهر :

بناهدا المطبخ المبارکة الحاجی بکتاش الحرصانی
المعمور صاحب الخیرة البالی بک بن غازی بالقوج
رحمة الله علیه ۹۶۸

دیگر کتابه :

مجید قیلدی بیک ایکوز سکار آلتیده
آشخانه بی بوطاق ورواق حسن دده
۱۲۸۶

آش اوی طاوانلری قالین کیریشلردن یاپلشدر (اوستنده رطوبتی غیر نافذ طوپراق بولونور) . اورتاده آوروپاکاری بویوک غاز لامباسی آصیلیدر . قارشیده اوچ بویوک قازان واردر . اورتاده کی اگ بویوک مشهور بکتاشی قازاننک آتشمز کرامتله قاینادینی روایت اونونیور . فی الحقیقه آلتنده آتش یاقیلمادن بوراسی قاینایه بیلیر؛ زیرا مجاورنده کی قازانلرک آلتنه باقیلان آتشمک علولری قازانی یالایوب کچه جک طرزده دیوار ایچندن ترتیبات واردر . قازانک اوزرنده بر کتابه مشاهده ایتهدک . محرمک اون ایگیسنده آش اوندی بو قازانده عشوره پیشر و آش اوی اوکنده آیاق اوزرنده مرثیه اوقونور . قازانک اوستنده یوقاریده علی لوحه سی ، صاغ و ضولنده قازانله متناسب محتشم کفچه لر آصیلیدر . قیو طرفنده کی دیوارده کیک بونوزلری کشکوللر نظر دقتمز ی جلب ایدر . آش اوینه بیتیشیک اولارق دهده نک اوطور ماسنه مخصوص بر اوطه واردر . کوچوک و یوکسکک پنجره لری یوقاربندن اسرارلی ضیا نثر ایدر . طولابلر آچاق دیوارلر ایچنه کومولیدر . دیوارده یدی تبر ، ایکی تفر ، اوچ کشکول ، ایکی کیک بو وزی آصیلیدر . حسابسز یاصدیق ، مندر ، قشاعی ، حیاته صیرتلیخی چویرن دزویشلرک اولدقجه دیکندکرینه ، ۲۶ کوموش فنجان ظرفی ، ۲ آلتون یالیزی کوموش فنجان ظرفی ، ۳۷ بویوکلی کوچوکلی فنجان چوق صحبت ایدیلدیکنه اشارت اولسه کر کدر . بکتاشی خوش صحبتلیکی و بکتاشی نکته پردازلقاری غالباً بوجلسلرده انکشاف ایدیوردی . آلتی بویوک قازان ، یکر می بویوک کوچوک باقیز قازان ، آلتی ات سناطیری ، ۲۹ ات بیچاغی ، بش مشین صوفرا ، آلتش اوچ باقریمک صحنی و حسابسز قاب قالچاق ، کلن مسافرلرک مقداری حقنده بر فکر ویره بیلیر . آش اوینک ترتیباتی میاننده بر صندوق کتاب ، ایکی کبیر قنطار ، بر عدد چکی قنطاریخده ذکر ایتکلکمز ایجاب ایدر .

مرمانه اوری :

قهوه اوچاقلی و بر چوق دولابلی دار کوچوک اوطه دن عبارتدر . ایچرئینی ضیائی یوکسکک و کوچوک اولان پنجره لردن زیاده آچیق قپودن آلیر .

میراثہ اُری :

تکیه نك قلبکاهی مثابه سنده در . آیین جگر بوراده یاپیلیر . جمعه کونلری قهوه بوراده ایچیلیر . آچاق قپودن ایچری کیرنججه کندمزى دیگر اولره نسبتاً داها آیدینلق بر سالونده بولورز . « قیرلانغیچ قانادی » تمیر اولونان و یونتولش قالین کیریشلرک بر قبه تشکیل ایده جک صورتده هندسه وی طرزده اوست اوسته قونولماسندن وجود بولان طاوان، موجود نمونلرک اُک نفیسلرندن اولسه کرکدر . مدخلک تمام قارشوسنده بر قهوه اوجاغی ، اوجاغک صاغنده سچره یاننده بابار موقعی بولونور . اوجاغک بر طرفنده قاصه، دیگر طرفنده قهوه طاقلری دورر . دیوارلره کومولی اولان یدی عدد دولاب ایچنده متعدد هدیه لر واردر . مدخلک درحال صولنده خراسان پوستی سریلی بر کرسی اوزرنده «سلمان پالک» ابریقی ایله شه عدانلر دورور . صول دیواردن آچیلان بر قپودن شیخک خصوصی اوطه سنه کیریلور [۱]. قپونک اوستنده ۱۲۹۸ تاریخی و بر (هو) یازیلیدر .

دورت دیواره ترتیب کوزه دیلهرک و کوزه دیلیه رک دوقسان لوحه آصیلمشدر . صول

دیوار اوستنده یوقاریدن صیرا ایله زیرده کی لوحه لر بولونور :

الله جل جلاله	حضرت امام محمد باقر رضی الله عنه
محمد علیه السلام	حضرت امام جعفر الصادق رضی الله عنه
امام علی حضرت رضی الله عنه کرم الله وجهه الرضی التقی الوفی	حضرت امام موسی کاظم رضی الله عنه
حضرت امام حسن رضی الله عنه	حضرت امام علی رضا رضی الله عنه
حضرت امام حسین رضی الله عنه	حضرت امام محمد التقی رضی الله عنه
حضرت امام زین العابدین رضی الله عنه	حضرت امام علی التقی رضی الله عنه

آرقه دیوارده بو یوقاریده کیلرک تمادینی اولوق اوزره :

حضرت امام حسن العسکری رضی الله عنه	حضرت معصوم علی الاصغر رضی الله عنه
حضرت امام محمد مهدی رضی الله عنه	حضرت معصوم عباده رضی الله عنه
حضرت معصوم محمد اکبر رضی الله عنه	حضرت معصوم یحیی رضی الله عنه
حضرت معصوم عبدالله رضی الله عنه	حضرت معصوم صالح رضی الله عنه
حضرت معصوم قاسم رضی الله عنه	حضرت معصوم طیب رضی الله عنه
حضرت معصوم علی اکبر رضی الله عنه	حضرت معصوم جعفر رضی الله عنه
حضرت معصوم سید قاسم رضی الله عنه	حضرت معصوم طاهر رضی الله عنه

[۱] سوک بابا کندینی نوزاده اوظورماز، یرینه حسن دهده اسمنده برقی براقیرهش .

قارشى ديوارده كى لوحه لى :

تقوم الساعة الخ

انا و على الخ

محمد جلال الدين رومى

لى محسنه

شمائل بيغمبرى

الله وحده

الله محمد على فاطمه

يارب الخ

ادب ياهو

يا على

لااله الا هو

صاغ ديوارده كى لوحه لى :

الله لا المصطفى علم ما يأتى

يا حضرت معصوم جعفر رضى الله عنه

يا حضرت قاسم رضى الله عنه

اكرموا العلماء فانهم ورثة الانبياء

يا حضرت حنكار بكتاش ولى

بسم الله الرحمن الرحيم

تربه ويا كلاه شكنده حاجى بكتاش طغراسى

والله غالب على امره

ما سبقدر توبه من چركابه عصيانده

مدد يا على حاجى بكتاشك طغراسى

توكات على الله

(چيچكىلى) رب يسر ولا تعسر

مدد يا على

من صبر ظفر

من كلام مرحوم عزت پاشا

شجره طيبه السيد حاجى بكتاش ولى

ان الله يحب الجميل الجمال

و تكسب عنائى الدفوع تحميدا

نعم المؤدب الدهر

قل الخير ..

زاهدا حقيچون اول شاهدكه جود اكل

حليه محمدى لوحه سى

بر كسه دكل سر قدردن آ كاه

فاعلم انه لا اله الا الله

رب يسر ولا تعسر

رب يسر ولا تعسر (مكرر)

اصحاب كهف

انا مدينه العلم وعلى بابها (ايكي طرفى تربه)

يا حضرت سهل

صول طرف ديوارده كى ايكنجى صيرايى تشكيل ايدين لوحه لى :

نور مرقد پاك مطاف عاشقان اولدى

(ابريق شكنده) قد العلم

يا على

(بيت المقدس رسعلى لوحه)

لا اله الا الله

سرى پاشا تعليماتنامه سى

سرى پاشا تعليماتنامه سى اسرى

موفق ايله سين توفيق ربانى

(تعليمات لوحه سى)

(كوچوك بر آينه)

روى الحسين عن الحسن

وما امرت ربى

اول رسول مجتبي

محمد حسن حسين على

و بالسكرك تدوم الخ

(چيچكىلى ابريق شكنده) قد العلم

بسم الله الرحمن الرحيم

رب يسر

اتق شر

بسم الله

من كان فى قبة الله

آرقه دیوارده خراسان پوستی موقعی دنیلن صول کوشده بکتاشی آرمه‌سی لوحه‌سی، حضرت علی نك دوه ایله کیتیمی، الح. بولوچه لر اوزرنده کشکوللر، نفرلر، آرقا دیوارده مدخلک صاع قسمنده ینه کشکوللر آصیلیدر. آرقه دیوار مدخلک ایچ یوزنده قپو اوزرنده (یا حضرت حنکار حاجی بکتاش ولی) یازیلیدر. میدان آوی و اقسامنک مفروشاتی و ترتیباتی حقنده برفکر ویرمک ایچون بر قاق قلم اشیا ذکر ایدهلم: ۳۸ خالی یاصدیق، ۱۳ چالنی یاصدیق، بر سورو شیلته، مندر، اوج تیفیک قرمزی پوست، ۳ کیک پوستی، ۱۲ عادی پوست، بر سورو شمعدان، ۶ کشکول، ۲ نفر، ۲۲ کوموش فنجان ظرفی، حدسز و حسابسز فنجان، ۱۷ پرنج توتون طبله‌سی، ۳۶ باقر چوربا طاسی، ۷۳ باقر صحن، ۳۱ پورسلن طاتلی طبق، نجف و حاجی بکتاش طاشندن قنبریه لر، جیلان دریمی اوزرنده کوفی یازیلش ایکی سورۃ شریفه، صندوقلر ایچنده بر سورو هدیه‌لک اشیا، بر مقدار آفیون، اسرار الح الح. بزم زیارتمزده خالیلر اوقافه تسلیم ایدیلمش اولدینی ایچون مفروشاتی هیئت اصلیه سیله کوره مدک؛ یالکز لوحه لره دو قونولماشدی.

کیورد آوی :

کیلار آوی و آبارلرنده تثبیت هیئتک کوستردیکی دورت یوزسکسان قلم اشیا یی بوراده صیرالامغه امکان بو قدر. بر مالکانه ایچون لازم اولان مفروشات، انواع آلات و ادوات هبسی بوراده بولونور. آراده صیراده کوزمزه ایلیشه ن تسبیح و تسلیم طاشی، کچه، کشکول، قشاعی، بخوردان، قندیل کی مواد، آنجاق برچفتک آبارنده دکله بکتاشی تکیه سنده اولدیغمزی خاطر لایر و ایفاظ ایدر.

کیلار آونده و دیگر اولرده، خطاطلرک لوحه لرندن صرف نظر، حاجی بکتاش ایله بام سلطانک کنجلیکی کی یاغلی بو یا رسملرده واردر. تورک رسم موزه‌سی ایچون بو یوک بر قیمت تشکیل ایدن بو (ابتدائی) رسملرک تشهرینه انتظار ایتمه من ایجاب ایدر.

نقشبندی جامعی :

کیلار آوی نك تام قارشوسنده در. یکچیریلکک الغاسی صیراسنده بکتاشی تکیه لرینی ییقدیران سلطان محمود، نقشبندی تریبه‌سی ویریلک شرطیله حاجی بکتاشده کی تکیه یی استنا و برجامک انشاسنی امر ایتمیشدر. ده ده لر تکرار قوت بولدقاری صیراده، نقشبندی شیخ لرینه

انتفاع حصہ سی آیرارق اونلری تماماً بکتاشیلشدیرمشلر، باشده یحی افندی کندیسی بکتاشی اقراری آلمشدر [۱] . بوجامعک جماعتی هیچ یوقدر . اذان محمدی بی ده قیرشهر والیسی حازم بکک تشریفارنده آنجاق ایشیتدی کمزی خاطر لیورز . حاجی بکتاشده آریجه بر جمعہ جامعی واردرکه اورانکده مداومی آزدرد [۲] .

بابالر آراسنده رتبه :

رتبه اعتباریله باشده کیلار اوی باباسی ، اوندن صوکر صیرا ایله آش اوی باباسی ، اتمک (اتمک) اوی باباسی ، مهمان اوی باباسی ، آت اوی باباسی ، خان باغی باباسی ، دهده باغی باباسی ، بالیم اوی باباسی کلیر . وقتیله میدان اوی بابالنی لغو ایدیلنجه تکیه نک ریاستی کیلار اوی باباسنه کچمشدر .

«ای والله» قپوسنه باش ووران درویش اولاددهده باغنده ایکی اوچ سنه خدمت ایدر؛ قلندر لکله اوطورور؛ اوندن صوکر بو یوک بابا قبول ایدر سه تکیهده درویش اولوب آلتی الی اون ایکی سنه خدمت ایدر . اون ایکی سنه دن صوکر قسمتسه بابا اولور . بابالرک تعییننده عمومیتله قدم تعقیب اولونیورسهده ، اهلیتک قدمه ترجیح ایدیلدیکی ده واقعدن . از جمله فیضی بابادن صوکر کیلار بابالنی زینل بابانک حقی ایکن ، اهلیتنه مبنی وصیتی موجبنه صالح نیازی بابا کیلار بابالنه ارتقا ایدرک تکیه نک آمری وبکتاشیلرک رئیس اومشدر .

صوک بابالرک اسمی بروجہ آتی ذکر اولنور :

کیلار اوی باباسی	صالح نیازی بابا
آش اوی باباسی	زینل بابا (غایت معلوماتلی اولدینی روایت اولونیور)
اتمک اوی باباسی	حاجی کریم بابا
مهمان اوی باباسی	مختار بابا
آت اوی باباسی	فیضی بابا

[۱] بکتاشی سری ، ا . رفیق ، عصر کتبخانه سی ۱۳۲۸ ، ۱۵۲ نجی صحیفه سنده چلبیلرله بابالر آراسنده کی نزاعلری اوکرتمک ایچون مهم برآردر . چلبی جمال الدین افندی نک «مدافعه» ، ۱۳۲۸ ، عصر کتبخانه سی . عنوانلی اثری ده برلکده اوقومق لازمدرد .

[۲] حاجی بکتاشده جمعہ جامعی کتبه سی :

هذا بنا المسجد فی ایام سلطان الاغظم سلیم شاه

بن باژید خان علی بن شہسوار بک فی سنه ۹۲۶

خان باغی بابایی
 دده باغی بابایی
 بام آوی بابایی
 نجاتی بابا
 آرسلان بابا
 ژاپون حسن بابا

بابا را اینجده نجاتی بابا ایله ژاپون حسن بابا دن ماعداسی عن اصل آرناوودلقدن نشئت ایتشلردر (نذورات صالح بابا به کلیر؛ شخصی نذورات آنجاق دیکر لرینسه ویریلر مش) . تکیه لرك سندن صوكر ا بابا لرك ا کثریسی آرناوودلغه طاشینوب ، روایت کوره، اوراده کی تکیه لرك انکشافنی تأمین ایتشلردر . صالح نیازی بابا ، اولجده عرض ایدیلدیکی وجهله، تجارته اشتغال قصیدله تورکیده قالمشدر .

سیرلر:

حوضی اولونک جامعه مجاور اولان قیوسندن کچیلنجه آغاقلقی کوزل بر بکتاشی . مزارلنی کلیر . مزارلغک صاغ گوشه سنده بام سلطان تره سی ، صول گوشه سنده مع مشتملات . حاجی بکتاشک کندی تره سی واردر . تره لردن صوكر ا سبزه باغچلری و کومسلک لکلیر . مزار و کتابلردن ایلروده بحث ایده چکلر . حضرت پیر: بر بکتاشی طرفندن نشر ایدیلن « بکتاشی سری » عنوانلی اثرک [ا . رفقی ، عصر کتبخانه سی ، ۱۳۲۸] ۴ نجی جلدینک ۱۶ نجی صحیفه سنده شو سطرلری اوقیورز : « حاجی بکتاش وفاتنده قریه مسجدی اتصالنده دفن ایدیلوب اوزرینه تره بنا ایدیلش و سلطان مراد ثانی طرفندن موجود اولان جامع و تره و درگاه انشا قیلنمشدر » .

بناتک اوزرنده ایسه زرده کی کتابه لر موجوددر :

قدینا مسجد العبدالله حامداً شا کراً علی نعمابه
 قال وقت التمام تاریخاً ان هذا مسجد لاله (۲)

بنا هذا المسجد المبارک فی جنت تره سلطان العارفين
 الحاج بکتاش الخراسانی نورالله مرقدہ فی ایام
 السلطان الاعظم السلطان سلیمان بن سلیم شاه خان
 مراد بن عبده امیر لوا ایاس آباد سنه ستین تسعمائنه

بنا مختلف زمانلرده توسیع و تعمیر ایدیلشه بکنز بوز . اسکیدن یا بیلان کوزل شیلری ، بعض ذوقسز بابا لرك امریله ایش کورن ذوقسز صواچیلر بر باد ایتشلردر . تره علمنک بیک آلتی بوزصاری لیرا اریقیله لرك وجوده کتیریلدیکنه بر موقاواوا قایلنغنده اولدیغنه دائر

درگاه سابق کتاب خصوصیتی نوری افندی‌یه چیقان برروایت وار . بونک تحقیقی اوقافه عاقددر . تره‌نک طیش قپوسنده کی دمیر پارمقلنی کیر کچمز صاغ ووصولده ایکی بویوک‌طاش نظر دقتیزی جلب ایدر. برینی «حاجی بکتاش» خیار ویا قارپوزدوغرار کبی دوغرامش، دیکر مردانه کبی اولاینی‌ده برقادین دامدن باشنه آتدینی زمان ایکی پارمقیله طومتشدر. هر ایکسینک ایزلی بللی‌در (مناقبنامه لره مراجعت ایدیگز) . صولده یوکسکجه بر موقعه مزارقلر واردر .

مردیون باصامقلردن آشاغی اینجه غایت مصنع مرمر قپو وقپودن ایجری کبریلنجه دار برقوریدور کلیر. قوریدورک صاغ کوشه‌سنده «قیزلرک‌چله‌خانه‌سی» تعمیر اولونان پنجره‌سز دار وقرانلق بریر واردر. آچیق قپوسنک اوستنده برطاش اوینار وبوطاش ایجری کیررکن کناهارلرک باشنه دوشرمش . چله‌خانه‌نک دوشمه‌سنه کیک دریلری وبوستار سریلیدر .

«قرقلرمیدانی» ایکی پارمقلق ایچنده محصوردر. صاغده کی پارمقلق بونجه حسابسز شمعدان صیرالانیر . بوشمعدانلرک اورتاسنده کاوردن آتدینی روایت اولونان قرق بوداق واردر. پارمقلغک اوبر طرفنده بکتاشی قاووقلریله یکریمی‌یدی مزار صیرالانیر [۱]. صول طرفده کی یشیل پارمقلغک اوبر طرفنده چلی مزارلری واردر. چلی مزارلردن برقاچ قدم یوکسک اولان مجاور تراسه‌دن قپویه دوغرو کیدیلیرسه کوه‌نج آبدال یاخود قیزلرک‌کیندینه واریلیر. «کوه‌نج آبدال» تره‌سی، دیوارلره آصیلی یکریمی اوچ مختلف شکل و جسامتده تبر ایله بر مقبردن زیاده برشوالیه اوطه‌سنی یاخود برسلاح موزه‌سنی آکدیریور. تبرلر ایله برلکده یکریمی یدی عدد جاملی و جامسز لوحه (ایچلرنده یاغلی بویا تابلو)، دورت نفیر، برکیک بونوزی، اوچ کشکول، برعدد یدی بوداقلی شمعدان، آنقره‌یه نقل اولونان اشیا میاننده در.

قرقلرمیدانی، آیین پاپیلیرکن همی بردن یانان قرق‌دورت عدد مختلف ابعادده شمعدان، فرق بوداق، تپه‌ده کی آویزه، طوقوز کوش چراغ و آلتی آبی پوستی، ایکی قپلان پوستی، حسابسز کیک پوستی، ایشله‌میلی نمازقلر اوستننه چوکن مجبارله محشم بر منظره اراشه

[۱] بابا رسولک مزاری یاننده بریغین طوبراق کوردک و تحقیق نتیجه‌سینده بونک چوچوغنی اولمایان فادینلره ایچیریلک اوزره توزیع اولوندینی اوکرندهک. جوهر طوبراق تعمیر اولونان بو طوبراغی چله‌خانه داغنده کی دره یا تاغندن طوپلایوب کتیریرلرمش . آبرجه چله‌خانه داغنده بر دلیک طاش وارمش، کناهار اولانلر اورادن کچه مزمش .

ایتمش اولسه کر کدره دیوارلره آصیلی اون آلتی عدد مختلف ابعاده لویه، صانکه اوزمان انجماد ایتمش اولان نفسلر و آهلردر :

یا هو حضرت پیر

جانم کبی حفظ ایلر ایدم آتمز ایدم فاش
 فاش آتمه بو راز دلی کوزدن آقان یاش
 بهران آلمدن نیجه بن اولشم عیاش
 طاقت کتورری بو غمه اولسه ده برطاش
 کتر قولکه عشقک ایدوب همره یولداش
 تا یوز سورهم ایشیککه یا حاجی بکتاش الخ .

قرقلر میداننک جنوبنده بولونان کموش قاپلامالی مصنع قیودن اصل پیرک تر به سنه کیریلر .
 بو کموش قاپلاما قیونک صاغ قنادنده :

ظهور ایلر نفس اولادن (..؟)
 انلره الهام ایرشر خدادن (..؟)
 نفس دود نفسن اولیانک (..؟)
 بو باب آدی هپی اولیانک (..؟)

صول قنادنده :

قلندر شاهی حاجی بکتاش ولی نک (..؟)
 اولادندن عیان اولدی علك (..؟)
 بیک اون طقوزنده تاریخ الو (..؟)
 والی میرلواء قر شهری ازراد (..؟)
 بن علی فی شهر محرم سنه ۱۰۱۹

یازیلیدر . پیرک، ایشلمه‌لی کارقدیم یشیل آطلاس، لاهوری عجم‌شالی، یشیل آطلاس اورتو،
 بیاض زمینی لاهوری اورتو، کناری سیم ایشلمه‌لی یشیل قدیفه، یشیل آطلاس وکناری
 ایشلمه‌لی اورتو، یشیل باصمه یازیلی وکناری سیملی اورتو، مدور سیم اوزرینه سیمدن
 یازیلی اورتو، هوا آطلاسی اوزرینه یازیلی اورتو، اطرافنی سیم ایله مزین آطلاس بوغچه،
 پنه آطلاس اوزرینه یازیلی اورتو، بیاض آطلاس اوزرینه سیم ایشلمه‌لی اورتو، مزین
 پشکیرلر، یشیل آطلاس انتاری، باصمه چوجق انتاریسی، الخ الخ .. ایله یوکلکی صندوقه‌سنی،

قبه‌دن آچیلان دورت کوچوک پنجره تنویر ایدر . قپو اوستنده دوران و دیوارلره آسیلی
اولان اون سکنز لوحه نرده اولدیغمزی بزه اخطار ایدر :

من زار قبری وجبت له شفاعتی
العلم شجرة اصلها بمکه وثمرها بخراسان
کتابه المذنب درویش مصطفی اوخربلی ۱۳۱۴

اولیائی تحت قبائی لایمرفهم سوائی
لی خمسة اطاقی بها حر الوباء الخاطمة
المصطفی المرتضی وابناها والفاطمة
انا مدینه العلم وعلی بابها
الا ان اولیا الله لاخوف علیهم ولاهم بخزون

دیگر لوحه لردن بعضیلری صیرا ایله: یادعلیاء، کل هم...، (کوش آل رسمی و صورت)،
ساعتدن صوکر علی، یا علی، جامع رسمی الخ..

کوش قینلی و قبضه‌لی قلیج، یکیکچریلر پیرینه لایق بر هدیه‌در . هدیه‌لر آراسنده
یدی عدد کوش بیله‌زیک، آلتی عدد بویوک کوچوک زنجیرلی تبه‌لک، بر عدد کوش صاج
قوزه‌سی، ایکی عدد صاج آصقیسی کی، شیر زیارتجیلرک بالخاصه قادینلر دن اولدیغنه دائر
شبهه او یاندیریور . یره سریلی اولان قیلان پوستی ایله سیاه آبی پوستی اوستنده، کیم بیلیر
پره نه‌لر تضرع ونه کی عائله اسراری افشا ایدیلشدر.

بالم سلطان :

آیین وارکان طریقتک واضعی بالم سلطان (بالی سلطان) تره‌سنک اوکنده کرامتله
خراساندن آتیلان بر دوت آغاجی واردر [۱]. کلن زیارتجیلر دیش آغریسی ایچون
قبوغندن بر مقدار یونشارق چور وکلره وضع ایدرلر . دوت آغاجنک اوزرنده کی ییچاق
یارالرنک چوقلغندن، شفا بولانلرک مقداری حقنده بر فکر ایدینیله بیلیر . پارمقلدن کچوب
قپودن ایچری کیریلنجه بر صوفه کلیر . ایچ قپونک اوستنده شوپله بر کتابه یازیلیدر :

بنا هذه القبة الشريفة الامير العالي
علی بك بن شمسوار بك لقطب اولیا

[۱] ولایتنامه و مناقبنامه لره باقکمز . دیگر بروایت کوره قارادوتک قابوقلرخنی زوار اود آغاجی
کی یاقارلر؛ بونی بالم سلطان دیکمشدر .

و خلاصة البدلا حضر بلی بن رسول بلی
بن حاجی بکدش الخرسانی نورالله مرقدہم
فی سنة خمس وعشرين وتسعماء

قپو قدیفه زمین اوزرینه ایشلمه‌لی برده ایله قپالی در . دورت پالانمازلق ، بر قپلان
پوستی ، بریک پوستی ، دانہ‌لی جویز بویوکلکنده طقسان طقوزلی تسبیح‌لر ، الخ... صوفه‌نک
بر عبادتگاه حقیقی اولدیقنده شہہ براقیور . دیوارده برده طوپوز و قلیفیله بلم سلطانک
کندی بیجان آسایدر . پیر ثانی طریقتک (بلم سلطان) یشیل چوخه‌لر ، عجم شالدری ،
کورون شالی ، ایشلمه‌لی ایپکلی اورتو ، چوخه اوزرینه ایشلمه‌لی اورتو ، مزین ایشلمه‌لی
صیرمه‌لی اورتو ، کنارلی یشیل آطلاس ، قرمزلی ایپک اورتو ، یشیل آطلاس یازیلی
وایشلمه‌لی اورتو ، بغداد چارشافی ، بش عدد ایپکلی پوشیده ، یشیل باش اورتوسی ، اوچ
پشکیرہ الخ... بورون صندوقه‌سی ، احتشام اعتباریله حاجی بکتاشکندن کری قالمیور .
ترہنک ایچنده بکتاشی رموزاتی احتوا ایدن اون بش لوحه ، بر آصمه ساعت ، اوچ آویزه ،
یکرمی بش پرنج شمعدان ، کوش شمعدان ، جام شمعدان ، بش عدد کوش بخوردان ،
کوش کلابدان ، باقیر کشکول ، آرسلانی قرق بوداق شمعدان ، قایشدن زنبیل ، انواع
طاشلر ، بوتون بوضایسز و متنوع هدیه‌لر ، بلم سلطانک محبلرجه ہر یاتیردن حتی پیردن بیله
فضله سویلدیکی قناعتی ویریور . بلم سلطان ایله عینی سقف آلتندہ قپودن کیریلنجہ صول
طرفدہ خلیفہ لرندن «شیخ قلندر»! مزارلی واردر . بو مرمر سستون اوزرندہ اولان
زیردہ کی کتابدہ ، سیاسی مجادلہ لر اثناسندہ اولدیریلن شیخ قلندر ایچون وجودہ کتیرلش
اولسه کرک :

بر تختہ فی تخت آندی رختی وروب بادہ
خاک اولدی آیاقلردہ چوق شاه فلک رفعت

«شاه قلندر»ک صندوقه‌سی دہ یشیل ایشلمه‌لی اورتو ، قرمزلی آطلاس اوزرینہ سیم
ایشلمه‌لی اورتو ، لاهوری شال ، اوچ عجم شالی ، کول رنکنندہ ایشلمه‌لی آطلاس ،
طرابلس شالی ، سیملی ایشلمه‌لی قرمزلی اورتو ، حلب پوشیسی ، ایپک بوغجه ، پوشی ، پوللی الخ
کی کیسه‌نک و قلبک ہدیہ‌سی اولان قیمتلی خاطرہ لره بوزونمشدز . قلندر شاه صندوقه سنک
آلتندن آروجه یدی عدد راقی قدحی حیقدی .

باطم اوی زاری سی :

هو بوکک قارشوسنده تبهلی و اوطهلی خراجیه بر بردر . تثیت هیئتک کوستردیکی یوز یکریمی بش قلم اشیا آراسنده مفروشات ایله قاب قاقاق و دیگر آلات پشیدن ماعدا ایکی عدد سساز ، ککان ، برکهنه سنجاق ، عیورظه ماکنه سی ، باغچوانقله علاقه دار آلات و ادوات نظر دقتیزی جلب ایدر .

ده ده باغی رضانه باغی :

حاجی بکتاشک خارچنده عصری برمالکانه منظره سی ارئه ایدن و آرن اوود بابارک بو بوک امکنریله وجوده کن بو ایکی باغ تنکیه نیک شیرا احتیاجنی تطمین ایتمکده در . خان باغنده کی چشمه لرده بولونان بعض بکتاشی تاجرینک قیریلدیغنی و بکتاشی تسلیم طاشلرینک او بولدیغنی مشاهده ایتدک . فترت دوره سندن سوکرا تنکیه نی تسلیم ایدن زراعت نمونه مکتبنک بوکی تجریباته مانع اولاجغنی قویاً امید ایدرز . خان باغنده کی شکر پوکارک کتابه سی ، بونک ۱۳۳۷ ده صالح نیازی بابا طرفندن تعمیر ایدیلدیکنی کوسترمکده در .

بکتاش افندی تبه زاری سی :

بکتاش افندی تبه سنده درکاهک مخالفی اولان غلویلردن بر بابا اوطورور [۱] ، بیه جک و ایجه جکنی چلییلردن آلیردی .

بکتاش افندی تبه سنک کتابه سنده :

بنا هذا الشیخ مرحوم بکتاش بن محمود بن

اولاد الحاجی بکتاش الخراسانی اثین ، مشروالف

یازیلدر . داخلمده کی ذوقسنز فرنک تقلیدی تزییناتی پایان ذاته دائر شو خاطره وار :

عمل یوان کیکچی اوغلی نوشهری

۱۳۲۳ ایلول ۶

آریجه :

حاجی بکتاش ولی اولادندن چلی جمال الدین افندی

طرفندن تعمیری فی ۱۳۲۴ شعبان ۱۶ فی ۱۳۲۲ ایلول ۲۰

بکتاش افندی تبه سنده تثیت هیئتک کوستردیکی یکریمی بش قلم اشیا میاندنه : طوقومه پوشیده چوخه و اینکلی بزدن معمول ، ۴ بشکیر اینکیسی ایشلمه لی ، ۱ فوطه ، ۱۰ ایپکلی بیاض پوشی ، ۱ ایشلمه لی چوره ، ۱ شمه دان کرسیسی ، ۱۲ شمه دان ، ۱ صندوق دروننده

[۱] صوک بابانک آدی حسن بابادر .

موم ، ۱ بخوردانلق ، ۲ باقیر طاس ، ۳ جام فنار ، ۱ طوپوز ، ۱ نفیز ، تسبیح ، بلور
 طاشلی اویزه‌لی ایکی موملی شمعدان ، ۴ جاملی لوحه بریسی آطلاس اوزرینه ، ۲ کیک
 پوستی ، ۱ کچی پوستی ، بالا ، کلیم ، جیجیم الح ، ذکر ایده‌یلیرز .
 دیشاریده تره‌نک اشیکندن آترلق ایسته‌مین اسکی بر خدمتکارک مزارلی سریلیدر .
 تره‌یه مجاور اولان بکتاش افندی زاویه‌سی ، بکتاش افندی شیخک اقامتیه مخصوص
 باغله محاط سویملی بر اوجکزدرد . مفروشاتی ، تصویری کچن درویش اوطلرینه بکزر .

بکتاشی مزار کتابه‌ری :

حاجی بکتاش تکیه‌سنده حاجی بکتاش طاشی نامیله معروف بلغمی طاشدن و دیگر
 طاشلردن یونتمش فوق‌العاده کوزل مزار کتابه‌ری واردر . عصری رساملق کندی
 سربست یولنه دوام ایدرکن خطاطلغمزک اوکنده نصل بر لحظه حرمتله توقف ایده‌جکسه ،
 عصری هیکلتراشلغکده اسکی توزک مزار طاشلری اوکنده عینی حرمتی اظهار ایتمه‌سی
 ایجاب ایده‌جکدر . حاجی بکتاشده کی مزار کتابه‌ری تورکجه یازیش اولمالری اعتباریله ده
 شایان دقتدر . نمونه اولارق برنی درج ایدیورز :

هو دوست [*]


خادم اولاد باک حاجی بکتاش ولی
 ایشته بو مرد مجرد جانشین شاذلی
 کندی بو باب جناب پیره ایتدی انتساب
 خاتمان زادکانده خدمته دیدی نیلی
 ناکهان کوش ایلوب صوت نفیر ارجی
 ماسوی‌اللهدن هاندم بومدی کوز چکدی الی
 ذبی مغفور جرمی مستور مرقدی بر نور اوله
 پیشکهنده اولوب شمع شقاعت منجلی
 چیقدی برار سویلیدی تاریخ فوتن کامیا
 کوچدی بو قصر دیدن قهوه‌جی درویش علی

۱۳۱۷

چلی عالمه سنک مزار کتابه‌لرنده‌ده عینی اسلوب واردر . اسکی کتابه‌لر ایچنده منشور
 اولانلرده واردر :


هو دوست المرحوم المغفور حضرت سلطان الحاج بکتاش ولی قدس الله سره‌العالی خیرسانی سید
 محمد بابا روح‌چون فاتحه ۱۱۹۶

[۱] کتابه‌ری لطفاً قیر شهر ایلیک تدریسات مفتشی (شیمدیکی‌حاله معارف‌مأموری) رامز بک
 قید ایتمشدر .




پیر تہہ سناک مرضی : کوموسہ قایلامدی قابی

تودکیات مجموعہ سی - ایکنچی جلد




نقشبندی جامعی و بکناهی سزارغلی

تورکيات مجموعہ سی - انکشی جلد۔




بکناسر الفوری نبرسی

تورکبات مجموعہ سی - ایکٹیوی جلد




میدانہ اولیک بر کورسہی

نورکات مجموعہ سی - ایکٹیجی جلد




ماهی بکناشده مزاران

نورکبان مجموعه سی - اکتیجی جلد




« ماهی بکناسه » ك عمومي منظردسي

پورکات مجموعه سی - ایکنجی حلد




بالم سلطانہ تیرہی

تورکیان محمودی - ایک ہی جلد



ترقده بیدالی

تورکوات مجموعہ سی - ایکٹیوی جلد



ماڭى بىگناسى تىرىمىك طىبى قاپىسى

تووكيات بىمۇ ۹۵سى - اپكىنچى خلد